

永樂大典

卷九〇三

詩字

卷九〇四

詩字

卷九〇八

詩字

永樂大典卷之九百三

二支

詩

寒山詩集三字詩 寒山道無人到若能行稱十號有蟬鳴無鴉噪黃葉落白雲神石磊磊山隩隩我獨居名善導子細看何相好寒山寒冰鎖石藏山青現雪白日出照一時釋從茲暖養老客我居山勿人識白雲中常寂寂寒山深稱我心純白石勿黃金泉聲響撫伯琴有子期辨此音重巖中足清風扇不搖涼氣通明月照白雲籠獨自坐一老翁寒山子長如是獨自居不生死五字詩我在村中住衆推無比方昨日到城下仍被狗形相或嫌袴太窄或說衫少長撐却鷓鴣子眼雀兒舞堂堂死生原有命富貴本由天此是古人語吾今非謬傳聰明好短命癡騃却長年鈍物豐財貨惺惺漢無錢國以人爲本猶如樹因地厚樹扶疎地薄樹顛顛不得露其根枝枯子先墜決陂以取魚是求一期利東志不可卷須知我匪席浪造山林中獨卧盤陀石辯士來勸余速令受金壁鑿牆植蓬蒿若此非有益報汝修道者追求虛勞神人有精靈物無字

復有夫呼時歷歷應隱處不居存叮嚀善保護。勿令有點痕。去年春鳥
鳴。此時思兄弟。今年秋菊爛。此時思發生。綠水千場咽。黃雲四面平。哀哉
百年內。腸斷憶成京。自樂平生道。烟蘿石洞間。野情多放曠。長伴白雲
閑。有路不通世。無情孰可攀。石林孤夜坐。圓月上寒山。大海水無邊。魚
龍萬萬千。遞互相食噉。冗冗癡肉團。爲心不了絕。妄想起如煙。性月澄澄
朗。廓爾照無邊。自見天台頂。孤高出衆群。風搖松竹韻。月現海潮頻。下望
山青陰。談玄有白雲。野情便山水。本志慕道倫。富貴疎親聚。只爲多錢
米。貧賤骨肉離。非關少兄弟。急須歸去來。招賢閣未啓。浪行朱雀街。踏破
名鞋底。我見一癡漢。仍居三兩婦。養得八九兒。總是隨宜手。丁戶是新
差。資財非舊有。黃藥作鹽歡。始知苦在後。新殺尚未熟。舊穀今已無。就
貸一斗許。門外立踟躕。夫出教問婦。婦出遣問夫。慳惜不救乏。財多爲累
愚。大有好笑事。畧陳三五箇。張公富奢華。孟子貧軾軻。只取侏儒飽。不
憐方朔餓。已歌唱者多。白雪無人和。老翁娶少婦。髮白婦不耐。老婆嫁
少夫。面黃夫不愛。老翁娶老婆。一一無棄背。少婦嫁少夫。兩兩相憐態。
可惜百年屋。左倒右復傾。牆屋分散盡。木植亂差橫。甌瓦片片落。朽爛不
堪停。任風吹蔞塌。再豎卒難成。他賢君即受。不賢君莫與。君賢他見容。

不賢他亦拒。憐善矜不能。仁徒方得所。勸逐子張言。拋却卜商語。俗薄
真成薄。人心箇不同。殷翁笑柳老。柳老笑殷翁。何故兩相笑。俱行諛波中。
裝車競帶樂。翻載各灑凍。是我有錢日。恒爲汝貸將。汝今旣飽暖。見我
不分張。湏憶汝欲得。似我今承望。有無更代事。勸汝熟思量。人生一百
年。佛說十二部。慈悲如野鹿。嗔怒似家狗。家狗趕不去。野鹿常好走。欲伏
獼猴心。湏聽獅子吼。笑我田舍兒。頭顱底繫濕。巾子未曾高。腰帶長時
急。非是不及時。無錢趁不及。一日有錢財。浮圖頂上立。買肉血垢漸。買
魚跳鰕鰕。君身招罪累。妻子成快活。捷死渠家去。他人誰敢道。一朝如破
牀。兩箇當頭脫。時人見寒山。各謂是風顛。說不起人目。身唯布衲纏。我
語他不曾。他語我不言。爲報往來者。可來向寒山。摧殘荒草廬。其中煙
火蔚。借問羣小兒。生來凡幾日。門外有三車。迎之不肯出。飽食腹膨脝。箇
是癡頑物。有身與無身。是我復非我。如此審思量。還延倚巖坐。足間青
草生。頂上紅塵墮。已見俗中人。靈牀施酒藥。世有多事人。廣學諸知見。
不識本真性。與道轉懸遠。若能明實相。豈用陳虛願。一念了自心。聞佛之
知見。男兒大丈夫。作事莫莽園。勸挺鐵石心。直取菩提路。邪路不用行。
行之枉辛苦。不要求佛果。識取心王主。一向寒山坐。淹留三十年。昨來

訪親友大半入黃泉。漸滅如殘燭。長流如逝川。今朝對孤影。不覺淚雙懸。
相喚採芙蓉。可憐清江裏。遊戲不覺暮。屢見強風起。浪捧鴛鴦兒。波搖
鸕鶿子。此時居舟楫。浩蕩情無已。垂楊結如煙。飛花飄似霰。夫居離婦
州。婦住思夫縣。各在天一涯。何時復相見。寄語明月樓。莫貯雙飛鶯。有
酒相招飲。有肉相呼喫。黃泉前後人。少壯須努力。玉帶暫時華。金釵非久
飾。張翁與鄭婆。一去無消息。可憐好丈夫。身體極後後。春秋未三七。才
藝百般能。金鞍逐俠客。玉饌集良朋。唯有一般惡。不傳無盡燈。桃花欲
經夏。歲月催不待。訪覓漢時人。能無一箇在。朝朝花遷落。歲歲人移改。今
日揚塵處。昔時爲大海。我見東家女。年可十有八。西舍競來問。願姻夫
妻佐。烹羊煮衆命。聚頭作姪殺。含笑樂呵呵。啼哭受殃殃。田舍多桑園。
牛犢滿廐轍。肯信有因果。頑皮早晚裂。眼看消磨盡。當頭各自活。無袴瓦
作棍。到頭凍餓殺。我見百十狗。箇箇毛鬚聾。卧者樂自卧。行者樂自行。
投之一塊骨。相與噬喋爭。良由爲骨少。狗多分不平。俊傑馬上郎。揮鞭
指楊柳。謂言無死日。終不作梯航。四運花自好。一朝成萎黃。醍醐與石蜜。
至死不能當。欲向東巖去。于今無量年。昨來攀葛上。半路困風煙。徑窄
衣難進。苔粘履不前。住茲丹桂下。且枕白雲眠。巖前獨靜坐。圓月當天

耀萬象影現中。一輪本無照。靡然神自清。含虛洞玄妙。因指見其月。月是
心樞要。讀書豈免死。讀書豈免貧。何似好識字。識字勝他人。丈夫不識
字。無處可安身。黃連搗蒜醬。忘計是苦辛。我見謾人漢。如籃盛水走。一
氣將歸家。籃裏何曾有。我見被人謾。一似園中韭。日日被人傷。天生還自
有。自聞梁朝日。四依諸賢士。實誌萬迴師。四仙傳大士。顯揚一代教。作
持如來使。建造僧伽藍。信心歸佛理。雖乃得如斯。有爲多患累。與道殊懸
遠。拆西補東爾。不達無爲功。損多益少矣。有聲而無形。至今何處是。可
笑五陰窟。四蛇同苦居。黑暗無明燭。三毒遞相驅。伴黨六箇賊。劫掠法財
珠。斬却魔軍背。妄奉湛如蘇。富兒會高堂。華燈何燁煌。此時無燭者。心
願處其傍。不意遭排遣。還歸暗處藏。益人明詎損。頓訝惜餘光。可貴天
然物。獨立無伴侶。覓他不可出。入他無門戶。促之在方寸。延之一切處。你
若不信受。相逢不相遇。多少般數人。百計求名利。心貪覓榮華。經營圖
富貴。心未片時歇。奔突如煙氣。家眷實團圓。一呼百諾至。不過七十年。冰
消瓦解置。死了萬事休。誰人承後嗣。水浸泥彈丸。方知無意智。有人把
椿樹。喚作白梅檀。學道多沙數。幾箇得泥丸。棄金却擔草。謾他亦自謾。似
聚沙一處。成團也大難。蒸沙擬作飯。臨渴始掘井。用力磨碌甗。那堪將

作鏡。佛說元平等。總有真如性。但自審思量。不用閑爭競。推尋世間事。子細總要知。凡事莫容易。盡愛討便宜。護却弊成好。毀即是成。非故知難。濫口。背面總由伊。冷暖我自量。不信奴唇皮。惡趣甚茫茫。冥冥無日光。人間八百歲。未抵半宵長。此等諸癡子。論情真可傷。勸君求出離。認取法中王。天高高不窮。地厚厚無極。動物在其中。憑茲造化力。爭頭覓飽暖。作計相噉食。食果都未詳。盲兒問乳色。天下幾種人。論時色數有。賈婆如許夫。黃老元無婦。衛氏兒可憐。鍾家女極醜。渠若向西行。我便東邊走。寒山有一宅。宅中無欄隔。六門左右通。堂中見天碧。房房虛索索。東壁打西壁。其中一物無。免被人來借。寒到燒軟火。飢來煮菜喫。不學田舍翁。廣置田莊宅。盡作地獄業。一入何曾極。好好善思量。思量知軌則。儂家暫下山。入到城隍裏。逢見一群女。端正容貌美。頭戴蜀樣花。燕脂塗粉膩。金釧鍊銀系。羅衣緋紅紫。朱顏類神仙。香帶氛氲氣。時人皆顧盼。癡愛染心意。謂言世無雙。魂影隨他去。狗齧枯骨頭。虛自紙唇齒。不解返思量。與畜何曾異。今成白髮婆。老陋若精魅。無始由狗心。不超解脫地。驢馬珊瑚鞭。驅馳洛陽道。自憐美少年。不信有衰老。白髮會應生。紅顏豈長保。但看北邙山。箇是蓬萊島。竟日常如醉。流年不暫停。埋着蓬蒿下。曉日何

冥冥。骨肉消散盡。魂魄幾凋零。遮莫敲鐵口。無因讀老經。夫物有所用。用之各有宜。用之若失所。一缺復一虧。圓鑿而方柄。悲哉空爾爲。驂牝將捕鼠。不及跛猫兒。洛陽多女兒。春日逞華麗。共折路邊花。各持種高髻。髻高花匝匝。人見皆睥睨。別求醪醑情。將歸見夫婿。春女銜容儀。相將南陌遙。看花愁日晚。隱樹怕風吹。年少從傍來。白馬黃金羈。何須久相弄。兒家夫婿知。欲得安身處。寒山可長保。微風吹幽松。近聽聲愈好。下有班白人。喃喃讀黃老。十年歸不得。忘却來時道。少年何所愁。愁見鬢毛白。白更何所愁。愁見日逼迫。移向東岱居。配守北邙宅。何忍出此言。此言傷老客。聞道愁難遣。斯言謂不真。昨朝始赴却。今日又纏身。月盡愁難盡。年新愁更新。誰知席帽下。元是昔愁人。兩龜乘犢車。爲出路頭戲。一蠶從傍來。苦死欲求寄。不裁矣人情。始載被沈累。彈指不可論。行思却遭刺。鸚鵡宅西園。虞羅捕得歸。美人朝夕弄。出入在庭幃。賜以金籠貯。尙裁損羽衣。不如鴻與鵠。颺颺入雲飛。有一餐霞子。其居諱俗遊。論時實蕭爽。在夏亦如秋。幽澗常漚漚。高松風颺颺。其中半日坐。忘却百年愁。安家邯鄲住。歌聲亦抑揚。賴我安隱處。此曲舊來長。既醉莫言歸。留連日未央。兒家寢宿處。綳被蒲銀牀。快傍三翼舟。善乘千里馬。莫能造我家。

謂言最幽野。巖穴深嶂中。雲雷竟日下。自非孔丘公。無能相救者。智者
君拋我。愚者我拋君。非愚亦非智。從此繼相聞。入夜歌明月。侵晨舞白雲。
焉能任口手。端坐鬢紛紛。客歎寒山子。君詩無道理。吾觀乎古人。貧富
不爲恥。應之笑此言。談何疎闊矣。願君似今日。錢是急事爾。從生不往
來。至死無仁義。言既有枝葉。心懷使驗訖。若其開小道。緣此生大偽。詐說
造雲梯。削之成棘刺。一瓶鑄金成。一瓶挺泥出。二瓶任君看。那箇瓶牢
實。欲知孰有二。須知業非一。將此驗生因。修行在今日。一自避寒山。餐
命餐山菜。平生何所憂。此世隨緣過。日如逝川光。陰石中火。任你天地
移。我暢巖中坐。我見世間人。茫茫走路塵。不知此中事。將何爲去津。榮
華能幾日。眷屬片時親。縱有千斤金。不如林下貧。手筆太縱橫。身材極
魁偉。生爲有限身。死作無名鬼。自古如此多。君今爭奈何。可來白雲裏。教
你紫芝歌。低眼鄒公妻。邯鄲杜生母。二人同共老。一種好面首。昨日曾
客場。惡衣排在後。只爲着破裙。喫他殘麤粳。東家一老婆。富來三五年。
昔日貧於我。今笑我無錢。渠笑我在後。我笑渠在前。相笑儻不止。東邊復
西邊。富兒多軟掌。觸事難祇承。倉米已赫赤。不貸人斗升。轉懷鉤距意。
買絹先揀綾。若至臨終日。吊客有蒼蠅。一爲書劔客。三遇聖明君。東守

文不賞。西征武不勲。學文兼學武。學武兼學文。今日既老矣。餘生不足云。
莊子說。遂終天地爲棺槨。吾歸此有時。唯須一幡箔。死將餒青蠅。吊不
勞白鶴。餓着首陽山。生康死亦樂。人間寒山道。寒山路不通。夏天水未
釋。日出霧朦朧。似我何由屆。與君心不同。君心若似我。還得到其中。天
生百尺樹。翦作長條木。可惜棟樑材。拋之在幽谷。年多心尚勁。日久皮漸
禿。識者取將來。猶堪挂馬屋。不見朝垂露。日燦自消除。人身亦如此。閻
浮是寄居。慎莫因循過。且令三毒祛。菩提即煩惱。盡令無有餘。水清澄
澄瑩徹底。自然見心中。無一事萬境不能轉。心既不妄起。永劫無改變。若
能如是知。是知無背面。說食終不飽。說衣不免寒。飽喫須是飯。着衣方
免寒。不解審思量。只道求佛難。迴心即是佛。莫向外頭看。可畏輪迴苦。
性復似翻塵。蟻巡環未息。六道亂紛紛。改頭換面孔。不離舊時人。連了黑
暗獄。無令心性昏。可畏三界輪。念念未曾息。纔始似出頭。又却遭沉溺。
假使非非想。蓋緣多福力。爭似識真源。一得即永得。昨日遊峯頂。下窺
千尺崖。臨危一株樹。風擺兩枝開。雨漂即零落。日曬作塵埃。嗟見此茂秀。
全爲一聚灰。自古多少聖。叮嚀教自信。人根性不等。高下有利鈍。真佛
不肯認。置力在受困。不知清淨心。便是法王印。我聞天台山。山中有琪

樹永言欲攀上莫遠石橋路緣此生悲歎幸居將已暮今日觀境中颯颯
鬢垂素養子不經師不及都亭鼠何曾見好人豈聞長者語爲染在華
猶應湏擇朋侶五月販鮮魚莫教人笑汝我見頑死人燈心在湏彌蛾
子蓄大樹馬知刀氣微學咬兩莖菜言與祖思齊火急求懺悔從今輒莫
迷君見月光照照燭四天下圓輝掛大虛堂爭能蕭灑人道有虧盈我
見無衰謝狀似摩尼珠光明無晝夜余往無方所盤礴無爲理時涉涅
盤山或說香林寺尋常只是閑言不干名利東海變桑田我心誰管你
左手握驪珠右手執慧劍先破無明賊神珠吐光燄傷嗟愚癡人貪愛那
生塵一墮三途間始覺前程險般若酒冷冷飲多人易醒余住天台山
凡愚邪見形常遊深谷洞終不逐時情無愁亦無慮無辱也無榮諸佛
留藏經只爲人難化不唯賢與愚箇箇心構架造業大如山豈解憂懷怕
邪肯細尋思日夜懷姦詐嗟見世間人箇箇愛喫肉碗櫟不曾乾長時
道不足昨日設箇齋今朝宰六畜都緣業使牽非干情所欲一度造天堂
百度造地獄閻羅使來追合家盡啼哭鑊子邊向火鎚子裏淖浴更得山
頭時換却汝衣服出家要清閑清閑即爲貴如何塵外人却入塵埃裏
一向迷本心終朝役名利名利得到身形容已顛顛况復不遂者虛用平

生志可憐無事人未能笑得汝。養兒與取妻。養女求媒娉。重重皆是業。
更殺衆生命。聚集會親情。總來看盤釘。目下雖稱心。罪簿先注定。得此
分段身。可笑好形質。面貌似銀盤。心中黑如漆。烹猪又宰羊。誇道甜如蜜。
死後受波咤。莫更稱冤屈。後來出家子。論情入骨癢。本來求解脫。却見
受驅馳。終朝遊俗舍。禮念作威儀。博錢沽酒喫。翻成客作兒。若論常快
活。唯有隱居人。林花長似錦。四季常新。或向巖間坐。旋瞻丹桂輪。雖然
身暢逸。却念世間人。我見出家人。總愛喫酒肉。此合上天堂。却沉歸地
獄。念得兩卷經。欺他市鄆俗。豈知市鄆俗。大有根性熟。嗟見多知漢。終
日枉用心。岐路還嘍囉。欺謾一切人。唯作地獄滓。不修來世因。忽爾無常
到。定知亂紛紛。迢迢山徑峻。萬仞險隘危。石橋莓苔綠。時見片雲飛。瀑
布懸如練。月影落潭輝。更登華頂上。猶待孤鶴期。松月冷颼颼。片片雲
霞起。匝匝幾重山。縱目千萬里。豁潭水澄澄。徹底鏡相似。可貴玉臺物。七
寶真能比。世有多解人。愚癡學閑文。不憂當來果。誰知道惡因。見佛不
解禮。覩僧倍生嗔。五逆十惡輩。三毒以爲鄰。死定入地獄。未有出頭辰。
可笑是林泉。數里勿人煙。雲從巖嶂起。瀑布水潺湲。猿啼暢道曲。虎嘯出
人間。松風清颼颼。鳥語聲闌闌。獨步繞石澗。孤陟上峰巒。時坐盤陀石。偃

仰攀蘿。沿。遙望城隍。庭唯聞。聞喧喧。水浸泥。彈丸。思量無道理。浮泡夢幻
身百年能有幾。不解細思。惟將言長不死。誅剝壘千金。留將與妻子。按
三德詩。山中舊本如此。不復校正。傳古君子。兩眼如月。正要觀雪中芭蕉
畫耳。昨日何悠悠。場中可憐許。上爲桃李徑。下作蘭蓀渚。復有綺羅人
舍中翠毛羽。相逢欲相喚。脉脉不能語。丈夫莫守困。無錢湏經紀。養得
一牂牛。生得五犢子。犢子又生兒。積數無窮已。寄語陶朱公。富與君相似。
名陽下西山。草木光輝輝。復有朦朧處。松蘿相連接。此中多伏虎。見我
奮迅。飛手中無寸刃。爭不懼懾懾。出身既擾擾。世事非一狀。未能捨流
俗。所以相追訪。昨吊徐五死。今送劉三葬。日日不得閑。爲此心悽愴。寄
語食肉漢。食時無逗遛。今生過去種。未來今日脩。只取今日美。不畏來生
憂。老鼠入飯甕。雖飽難出頭。一人好頭肚。六藝盡皆通。南見越向北。西
見越向東。長漂如汎萍。不息似飛蓬。問是何等色。姓貧名曰空。繼縷闌
前業。莫訶今日身。若言由家宅。簡是極癡人。到頭君作鬼。豈令男女貧。陵
然易解事。作麼無精神。五言五百篇。七字七十九。三字二十一。都來六
百首。一例書巖石。自誇云好手。若能會我詩。真是如來母。世事何悠悠。
貪生未肯休。研盡大地石。何時得歇頭。四時凋變易。八節急如流。爲報火

宅主露地騎白牛。常聞漢武帝。爰及秦始皇俱好神仙術。延年竟不長。
金臺旣摧折。沙石遂滅亡。茂陵與驪嶽。今日草茫茫。憶得二十年徐步國。
清歸國清寺中人。盡道寒山癡。癡人何用疑。疑不解尋思。我尚自不識。是
伊爭得知。低頭不用問。問得復何爲。有人來罵我。分明了了知。雖然不應
對。却是得便宜。語你出家輩。何名爲出家。奢華求養活。繼綴族姓家。美舌
甜唇箭。諂曲心釣加。終日禮道場。持經置功課。鑪燒神佛香。打鍾高聲和。
不時學客舂。夜夜不得卧。只爲愛錢財。心中不脫灑。見他高道人。却嫌排
謗罵。驢屎比麝香。苦哉佛陀耶。又見出家兒。有力及無力。上上高節者。鬼
神歆道德。君王分輦坐。諸侯拜迎逆。堪爲世福田。世人須保惜。下下低愚
者。詐現多求覓。濁濫即可知。愚癡愛財色。着却福田衣。種田討衣食。作債
稅牛犂。爲事不忠直。朝朝行弊惡。性性痛腎脊。不解善思量。地獄苦無極。
一朝着病纏。三年卧牀席。亦有真佛性。翻作無名賊。南無佛陀耶。遠遠求
彌勒。寒巖深更好。無人行此道。白雲高岫閑。青嶂孤猿嘯。我更何所親。
暢志自宜老。形容寒暑遷。心珠甚可保。二儀旣開闢。人乃居其中。迷汝
即吐霧。醒汝即吹風。惜汝即富貴。奪汝即貧窮。碌碌群漢子。萬事由天公。
余觀諸稚子。急離火宅中。三車在門外。載你免飄蓬。露地四衢坐。當天

萬事空十方無上下。來往任西東。若得箇中意。縱橫處處通。可歎浮生人悠悠。何日了。朝朝無閒時。年年不覺老。總爲求衣食。令心生煩惱。擾擾百千年。去來三惡道。時人尋雲路。雲路杳無蹤。山高多峻峻。澗澗少玲瓏。碧嶂前兼後。白雲復西東。欲知雲路處。雲路在虛空。寒山棲隱處。絕得離人過。時逢林內鳥。相共唱山歌。瑞草聯谿谷。老松枕差我。可觀無事者。憩歇在巖阿。五嶽俱成粉。須彌一寸山。大海一滴水。吸入其心田。生長菩提子。徧蓋天地中。天語汝慕道。慎莫繞十纏。無衣自訪覓。莫共狐謀裘。無食自採取。莫共羊謀羞。借皮兼借肉。懷歎復懷愁。皆緣義失所。衣食常不周。自美山間樂。逍遙無倚托。逐日養殘軀。閑思無所作。時披古印書。往往登石閣。下窺千尺崖。上有雲盤礴。寒月冷颼颼。身似孤飛鶴。我見轉輪王。千子常圍繞。十善化四天。莊嚴多七寶。七寶真隨身。莊嚴甚妙好。一朝福報盡。猶若棲蘆鳥。還作牛領蟲。六趣受業道。况復諸凡夫。無常豈長保。生死如旋火。輪迴似麻稻。不解早覺悟。爲人枉虛老。平野水寬闊。丹丘連四明。仙都最高秀。群峯聳翠屏。遠遠望何極。硤硤勢相迎。獨標海隅外。處處播嘉名。我見世間人。生而還復死。昨朝猶二八。壯氣冒襟士。如今七十過。力困形頽頓。恰似春日花。朝開衣落爾。迥聳霄漢外。

雲裏路蒼荒。瀑布千丈流如鋪練一條。下有棲心窟。橫安定命橋。雄雄鎮
世界。天台名獨超。盤陀石上坐。豁澗冷淒淒。靜甞偏嘉麗。虛巖蒙霧迷。
怡然憩歇處。日斜樹影低。我自觀心地。蓮花出淤泥。君看葉裏花。能得
幾時好。今日畏人攀。明朝待誰掃。可憐嬌艷情。年多轉成老。將世比於花。
紅顏豈長保。縱作居屏角。號居帶虎睛。桃枝折作醫。謀殺取爲璦。暖腹
菜羹酒。空心枸杞羹。終歸不免死。浪自覓長生。爲人常喫用。愛意須慳
惜。老去不自由。漸被他催斥。送向荒山頭。一生願虛擲。亡羊罷補牢。大意
終無極。寒山無漏巖。其巖甚濟要。八風吹不動。萬古人傳妙。寂寂好安
居。空空離譏誚。孤月夜長明。圓日常來照。虎丘兼虎谿。不用相呼召。世間
有王傳。莫把同侪。我自避寒巖。快活長歌笑。沙門不待戒。道士不服藥。
自古多少賢。盡在青山脚。有人笑我詩。我詩合典雅。不煩鄭氏箋。豈用毛
公解。不恨會人稀。只爲知音寡。若遣赴宮商。余病莫能罷。忽遇明眼人。即
自流天下。世間一等流。誠堪與人笑。出家弊已身。誑俗將爲道。雖着離
塵衣。衣中多養蠶。不如歸去來。識取心王好。高高峯頂上。四顧極無邊。
獨坐無人知。孤月照寒泉。泉中且無月。月自在青天。吟此一曲歌。歌中不
是禪。有箇王秀才。笑我詩多失。云不識蜂腰。仍不會鶴膝。平側不解壓。

凡言取自出我笑你作詩如盲徒詠日我往在村鄉無爺亦無娘無名無姓第人喚作張王並無人教我負賤也尋常自憐心的實堅固等金剛

寒山出此語此語無人信蜜甜足人嘗黃蘗苦難吞順性生喜悅逆意

多煩惱但看木傀儡弄了一場困我見人傳經依他言語會口轉心不

轉心口相違背心真無委曲不作諸纏蓋但且自省躬莫覓他替代可中

作得主是知無內外寒山無白雲寂寂絕埃塵草座山家有孤燈明月

輪石牀臨碧沼虎鹿每為鄰自美幽居樂長為叅外人鹿生深林中飲

水而食草伸脚巖下眠可憐無煩惱繫之在華堂銷錮極肥好終日不肯

嘗形容轉枯槁花上黃鸝子關關聲可憐美人顏似玉對此弄鳴絃說

之能不足春戀在韶年花飛鳥亦散灑淚春風前棲遲寒巖下偏訝最

幽奇碧藍採山茹挈籠摘菓歸蔬齋數茅坐啜食紫芝清沼濯瓢鉢雜

和煮稠稀當陽擁裘坐閑讀古人詩昔日經行處今復七十年故人無

來往理在古家問余今頭已白猶守片雲山為報後來子何不讀古言

我見利智人觀者便知意不暇尋文字直入如來地心不逐諸緣意根不

妄起心意不生時內外無餘事白鶴銜苦花千里作一息欲往蓬萊山

將此充糧食未遑毛摧落離群心慘惻却歸舊來巢妻子不相識慣居